

滿洲名臣傳

十九下



內閣文庫			
函架	冊	號	類
三八	一六〇	二三〇五	漢書

內閣文庫			
番號	漢	2300	
冊數	160	(38)	
函號	290	43	




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





命仍襲三等輕車都尉

韓世琦列傳

韓世琦漢軍正紅旗人

世祖章皇帝時任吏部主事遷宗人府啟心

郎

聖祖仁皇帝御極授順天巡撫尋調江寧巡

撫康熙二年疏言崇明縣大糧田正賦外復

征蘆課寔為田兩賦又崇明靖江丹徒丹

陽之沿海居民遷移內地其沙田久廢並請

南川名臣傳卷一

三

除額賦疏下部議行四年疏報康熙二年分
江寧等五府錢糧全完得

旨優敘加工部右侍郎銜又以緝解逃人四
百名以上晉左侍郎銜尋以捐脩松江府城
垣全完三年四年分錢糧屢紀錄加級晉工
部尚書銜六年疏言蘓州松江常州鎮江四
府每歲兌糧所存耗米請折銀充餉下部議
行是年京察自陳會部議世琦輿論不孚應
降三級調用得

旨韓世琦將江南數年拖欠錢糧全完勒勞
地方軍務着照舊留任供職八年三月御史
楊維禡疏言世琦前遇京察註考日輿論不
孚以錢糧全完留任乃其所屬地方仍有康
熙三年未完屯折銀九千一百餘兩四年未
完地丁銀一萬四千七百餘兩屯折銀一萬
二千六百餘兩則前次捏報情弊顯然事下
總督麻勒吉察奏以冊籍浩繁請緩其期六
月御史李棠疏言今天下貪惡之督撫

皇上已知之矣在廷諸臣已大畧言之矣然其事款人不得而盡知若不重懲其一二最著者以示戒則督撫之肺腸終不肯洗滌安望其改絀易轍愛養斯民也如江寧撫臣韓世琦恣意謀求肆行貪虐舞女歌兒採買殆盡京都之宅第無論已而原籍滿洲之宅第華飾非常馳送金銀車馬絡繹不絕且長蘆有商各行鹽矣天津又有宅第矣何一非竭民膏血者乎又何必以某官餽銀若干兩某

事受銀若干兩而後爲貪惡寔據請

賜嚴加處分另

簡賢能庶民命得慶更生疏入

命韓世琦解任下麻勒吉詳察尋覆奏滿洲宅第族姓所居天津爲其弟世璣行鹽故業與世琦無涉馳送金銀亦無據十月御史傅感丁復疏劾之日錢糧旣報全完必無錙銖欠缺原任江寧巡撫韓世琦以全完累邀加銜加級乃今於離任日疏劾蘓松常鎮各府

屬錢糧俱有撮借透冒多至七十餘萬兩何
前後悖謬至此蘓松各府每年奏銷全完其
無民欠可知以本年之賦供本年之用皆有
一定欸項有何欸項至煩撮借此必韓世琦
平昔與各屬分肥通同作弊一旦計窮更圖
巧卸請

勅部責成督撫確察情弊疏下部議如所請
尋麻勒吉覆奏世琦於離任時始糾舉那移
諸弊以卸責州縣官前此錢糧全完是屬捏

報於是部議削加級十三年二月起授偏沅
巡撫時逆藩吳三桂反湖南陷賊世琦至武
昌疏陳急守岳州恢復長沙之策下在事大
將軍等酌行十五年三月安親王岳樂統師
圍長沙

詔世琦隨征二十年八月以撥供廣西官兵
銀米遲誤部議應革職得

旨降五級留任二十二年調四川巡撫

諭以岩疆要地急需撫綏宜廉潔自持表率

僚屬以盡職守二十四年七月丁母憂會世琦劾奏西陽土司辦解楠木遲延上曰韓世琦前任江蘓巡撫居官狼籍後任偏沅巡撫採辦楠木則稱西陽所產台式請令蜀省督撫勸諭捐輸及調任四川又稱西陽地遠請行湖廣督撫就近察明經部駁詰始委谷士司前後題疏參差不合著吏部嚴加議處部議革職二十五年三月卒四十八年十月四川巡撫年羹堯

陞辭

上諭以漢軍中督撫如張長庚白如梅屈盡美韓世琦等皆以貪黷致富五十年來子孫零落殆盡可見居官不善之報云

布舒庫列傳

布舒庫滿洲正黃旗人姓吳魯氏父納爾泰任佐領

世祖章皇帝順治六年隨征大同叛鎮姜瓖率其子噶爾璉納什庫力戰歿于陣

恩卹如例布舒庫其長子也干順治五年任
護軍校隨征南大將軍譚泰征江西叛鎮金
聲桓攻饒州府先登克其城十五年隨征南
將軍卓卜特征明桂王朱由榔由廣西進貴
州濟師盤江敗賊梁瑞津賊眾屯踞山隘我
兵環山圍攻布舒庫首衝敵陣奮擊斬殪其
眾師至雙河口僞晉王李定國以數萬眾列
柵山嶺布舒庫先眾踰險而上遂奪其寨定
國復列象陣來犯布舒庫率眾力戰逐北四

十里雲南平凱旋子雲騎尉世職

聖祖仁皇帝康熙二年授叅領十六年二月
擢正黃旗蒙古副都統列議政大臣時逆藩
吳三桂賊党韓大任等據吉安簡親王喇市
奉

詔勦賊日久未下

特命布舒庫同都統勒貝護軍統領哈克三
叅贊軍務韓大任等尋自吉安潰圍遁踞寧
都布舒庫率兵至永豐與提督趙賴合師計

以三路進兵值大任等來犯布舒庫同趙賴
發砲擊之賊退據山寨布舒庫督兵圍攻賊
衆由山徑下衝我兵兩路截擊賊敗歸山寨
布舒庫緩師以誘之賊弗敢出相持月餘賊
夜遁布舒庫率步兵追及之斬賊千餘級擒
其偽參將王朝斌偽軍師萬象羅等賊走泰
和萬安竄入福建十七年正月布舒庫同哈
克三追勦大任擊賊於福建老虎洞鞍子嶺
斬賊六千餘級分遣參將李天桂等由七嶺

隘口奪關而進斬偽官五追擊至天花山大
陂嶺賊窮蹙適康親王傑書遣布政使姚啟
聖招撫大任乞降布舒庫同哈克三旋師隨
簡親王與征南將軍穆占會師於湖南互詳
哈克三傳七月吳逆犯永興水陸道阻穆占
奏遣布舒庫率兵携砲同署副都統尼雅翰
駐守永興河岸以禦之賊党胡國柱馬寶等
以衆三萬來犯布舒庫擊卻之及賊潰圍解
布舒庫同穆占進攻耒陽偽將軍吳國貴夏

國相等敗遁十八年二月進定常寧布舒庫
同前鋒侍衛塔勒岱屢擊賊於白水市蔡家
店大春橋桂山斬馘其衆進追至翟里橋賊
擁衆拒敵我兵衝擊之擒其僞參將守備各
二距永州四十里與穆占合師進攻永州城
賊夜渡湘江燒浮橋而遁乃分遣總兵蔡元
等收復新田寧遠道州永明江華東安各城
先後招降僞總兵李魁李福管世雄陳邦賢
等僞官二百餘旋令陳邦賢率所屬兵與叅

將王國俊攻廣西全州擊賊於飛鳶橋克其
城進定興安又分遣別將收復灌陽恭城富
川招撫萬陽山僞總兵郭世隆吳漢興等還
定新寧與簡親王合軍於武岡州九月鎮南
將軍莽依圖規取雲南疏請調兵防守廣西
詔簡親王率師駐守桂林仍以布舒庫叅贊
十九年正月調正黃旗滿洲副都統三月降
賊馬承蔭復叛布舒庫隨簡親王與將軍莽
依圖總督金光祖分路進勦六月克雜容縣

合攻柳州府馬承蔭降七月布舒庫以疾卒於軍櫬還

上遣大臣迎奠茶酒

賜祭葬如典禮諡剛壯

顧八代列傳

顧八代滿洲廂黃旗人姓伊爾根覺羅氏父

顧納禪

太宗文皇帝天聰九年由閒散隨征明大同

攻小石城先登

賜號巴圖魯予騎都尉世職尋任叅領

世祖章皇帝遣師入山海關及平定陝西湖

南江南浙江顧納禪皆在事有功晉職三等

輕車都尉襲罔替卒子顧蘓襲遇

恩詔晉二等輕車都尉尋卒子佛岳襲顧八

代為顧納禪次子順治十六年以廕生充護

軍隨征雲南得功牌二凱旋授戶部筆帖式

尋因佛岳卒無子襲二等輕車都尉世職擢

任吏部文選司郎中康熙十四年

滿洲名臣傳卷十九

聖祖仁皇帝御試旂員列第一改翰林院侍
讀學士會逆藩吳三桂踞湖南遣賊將掠廣
東廣西鎮南將軍莽依圖由江西進定廣東
駐韶州十六年六月

上命顧八代傳

諭莽依圖規復廣西並授

方畧卽留營隨征顧八代既至莽依圖進駐
梧州屢擊敗賊將吳世琮等十八年京察掌
院學士拉薩哩葉方諳以顧八代隨征以來

能稱厥職以政勤才長注考大學士索額圖

改注浮躁傳

旨下部察議吏部言浮躁例應降調顧八代
有世職令隨旂行走尋莽依圖疏言顧八代
襄辦軍務竭誠奮勉三載以來運籌決勝動
合機宜請留軍前委署副都統兼贊軍務得
旨仍以原銜隨征十九年廣西定莽依圖卒
于軍顧八代隨平南大將軍賚塔進征二十
年師至雲南顧八代同叅贊大臣穆占等與

勇畧將軍趙良棟定攻取策賚塔從之遂殄
滅逆孽吳世璠平雲南凱旋補侍講學士二
十三年八月直

尙書房二十四年擢內閣學士充

平定三逆方畧副總裁官二十五年充

經筵講官明年授禮部侍郎二十八年擢本

部尙書三十二年九月奉

旨顧入代因在內廷供奉有年屢加擢用游

至尙書今觀其人不宣部院若革任以世職

隨旂行走仍直內廷三十七年因病乞休四

十七年十二月卒

世宗憲皇帝雍正四年

諭曰原在禮部尙書顧八代品行端方學術

醇正昔蒙

皇考簡用服官有年當征勦吳逆時以學士

協贊軍務從將軍莽依圖賚塔等克復粵西

滇南勞績茂著備承

恩眷且深知品學優長足爲模範

特命爲朕兄弟之師朕自幼與共朝夕講論
忠孝大義研究經書至理肫誠周至獲益良
多嗣以公事註誤罷職仍在內廷課讀數載
抱疾閒居戊子冬物故朕親臨其喪並遣人
爲之經理殯葬本欲陳情於
皇考之前求加恩賜卹值
聖體違和不敢瀆奏迄今回憶當年誦讀情
景宛然如昨老成舊學時眷於懷應優加贈
卹以展朕篤念師資酬獎前勞之意

允部議復禮部尙書銜加贈太傅
予祭葬如典禮諡文端立碑墓道

上復念其子孫甚貧
恩賞銀一萬兩八年七月

命建賢良祠於京師

特諭應入祀者滿洲大臣五人大學士圖海
都統資塔次卽顧八代及尙書瑪爾漢總河
齊蘓勒先是顧八代乞休後子顧儼襲因銷
恩詔所加之職改三等輕車都尉雍正三年

滿洲名臣傳卷十九
五

由叅領擢任廂黃旗漢軍副都統見大臣表
顧儼之子顧琮別有傳

索額圖列傳

索額圖滿洲正黃旗人姓赫舍哩氏內大臣
一等公索尼第三子初任侍衛由三等洊遷
至一等

聖祖仁皇帝康熙七年授吏部右侍郎八年
五月索額圖奏請解吏部在効力
左右仍爲一等侍衛是月內大臣熬拜獲罪

拘禁大學士班布爾善坐黨伏誅索額圖旋
授國史院大學士兼任佐領九年改內三院
爲內閣索額圖爲保和殿大學士十一年
世祖章皇帝寔錄告成索額圖時爲總裁官
加太子太傅十五年同大學士巴泰杜立德
等劾奏內閣票本錯誤改寫草簽請
勅部嚴察情弊於是大學士熊賜履以改寫
草簽復行私毀罷歸事詳熊賜履傳十八年
三月京察翰林院以侍講學士顧八代隨征

稱職以政勤才長注考索額圖改注浮踪坐
降調事詳顧八代傳七月地震左都御史魏
象樞奉

召對奏請重譴索額圖

上諭以修省當自朕躬始翌日

召索額圖及衆大臣

諭曰茲者異常地震朕反躬修省力圖挽回
天意爾等亦宜洗滌肺腸公忠自矢且自任
用以來家計頗已饒裕乃至無爲國報効之

心朋比徇私朕聞之已久猶望悛改未令議
罪今見所行愈加貪黷習以爲常若事情發
覺國法具在决不貸宥十九年八月索額圖
以疾請解大學士任得

旨卿輔弼重臣勤敏練達自用兵以來翼贊
籌畫克合機宜覽奏情詞懇切著于內大臣
處上朝加意調攝以副眷懷尋授議政大臣
初逆藩吳三桂反索額圖謂因撤藩激變請
誅建議之人

上弗許二十年雲南平

諭大學士明珠等曰吳逆倡亂有謂撤藩所致請誅建議之人者朕若從之則皆含冤泉壤矣先是索額圖之兄噶布拉任領侍衛內大臣以

冊諭

孝誠仁皇后

推恩所生封一等公弟心裕法保分襲索尼世爵心裕襲一等伯任鑾儀使兼佐領法保

襲一等公任內大臣二十二年三月

上諭議政王大臣曰心裕素行懶惰屢次空班朕交索額圖議處乃止議罰俸一年又法保因懶惰革退內大臣隨旂行走不思効力贖罪在外校射爲樂索額圖亦弗教訓且自恃巨富日益驕縱朕時加訓飭並不悛改着嚴加議處于是議心裕革鑾儀使佐領一等伯法保革一等公索額圖革議政大臣太子太傅內大臣佐領

上命心裕留一等伯索額圖留佐領二十五
年八月授索額圖領侍衛內大臣時俄羅斯
屢犯黑龍江邊境侵踞雅克薩地我兵攻圍
之其衆乞降徙去未幾又來踞
上復發兵攻圍其察罕汗乃遣人謝罪請釋
圍
詔許退兵令別遣使來議地界尋遣使費羅
多囉等至尼布楚請議值噶爾丹侵掠喀爾
喀部

上命傳諭費羅多囉等緩期定議二十八年
四月

命索額圖同都統佟國綱等往議索額圖奏
言尼布楚雅克薩應仍歸界內

上曰以尼布楚爲界則俄羅斯遣使貿易無
棲託之所彼若乞與尼布楚可卽以額爾圖
納河爲界索額圖至尼布楚費羅多囉等欲
以尼布楚雅克薩歸彼界固執爭辯索額圖
詳述舊屬我

朝原委斥其侵踞之非宜感戴

皇上好生德意於是定議以額爾固納河及格爾必齊河爲界立碑垂示久遠二十九年七月

命統盛京吉林科爾沁兵往會大將軍裕親王福至于巴林進征噶爾丹擊敗之于烏蘭布通十一月師還以噶爾丹敗遁不率兵追勦議革職

命降四級留任三十五年三月

上親征噶爾丹由中路進

命索額圖領八旗前鋒察哈爾四旗及漢軍綠旗兵前行並經理火器營事五月

上駐蹕什巴爾台以大將軍費揚古西路兵甫至圖拉

諭詢王大臣進征遲速機宜索額圖言宜緩行以待西路兵

上密諭費揚古截噶爾丹歸路

親統師駐克魯倫河噶爾丹望見

御營大驚奔竄費揚古截擊之於昭莫多大敗其衆

上乃班師三十六年三月

駕臨寧夏索額圖從之

回鑾至船站

命管理水路設站事務是年噶爾丹竄死敘

前隨征功復原級四十年九月以老乞休

允之心裕代爲領侍衛內大臣四十一年

上闕河至德州

回鑾

特召索額圖侍皇太子允初養病德州後一

月乃偕還京是年心裕以酷斃家人革任索

額圖前此亦爲家人訐告罪歟

上留中未宣四十二年五月

命侍衛海青等傳

諭曰爾家人告爾之事留內三年朕有寬爾

之意爾無愧悔之心背後仍怨尤議論國事

結党妄行舉國俱係受朕深恩之人若受恩

者半不受恩者半卽俱從爾矣去年皇太子在德州時爾乘馬至皇太子中門方下卽此是爾應死處爾自視爲何等人耶爾任大學士時因貪惡革退後復起用並不思念朕恩夫養犬尙知主恩若爾者雖格外加恩亦屬無益朕欲遣人來爾家搜看恐連累者多所以中止若將爾行事指出一端卽可正法尙念爾原係大臣朕心不忍但令爾閒住又恐結党生事背後怨尤議論著交宗人府拘禁

索額圖尋死于禁所後數年皇太子允初以狂疾廢黜

上諭廷臣曰昔允初立爲皇太子時索額圖懷私倡議凡服御諸物俱用黃色所定一切儀制幾與朕相似驕縱之漸寔由于此索額圖誠本朝第一罪人也

吳世俊列傳

吳世俊漢軍正紅旗人先世居開原

太祖高皇帝天命四年六月征明取開原城

世俊隨叔父吳裕來歸任佐領

太宗文皇帝時敘斬獲逃亡功並以所管人
丁增多予三等輕車都尉世職尋卒于常山
保襲未幾常山保卒以世俊襲職仍任佐領
兼叅領崇德五年大軍圍明錦州世俊以紅
衣砲克取馬家湖臺六年復圍錦州明兵据
呂洪山口世俊同都統金礪督兵擊敗之七
年攻塔山杏山毀其城八年隨鄭親王濟爾
哈朗征明寧遠克前屯衛中後所二城

世祖章皇帝順治元年二月敘功晉世職爲
二等輕車都尉五月大兵既定燕京世俊隨
都統葉臣招撫山西時流賊李自成遁陝西
其僞伯陳永福猶踞太原世俊同諸將攻克
其城山西既定還至中途值鮑家莊土賊肆
掠世俊同都統阿賚率兵捕勦之盡殲其衆
二年隨英親王阿濟格追勦自成于陝西屢
敗賊衆自成走湖廣三年七月隨端重親王
博洛征浙西時僞閣部朱大典踞金華世俊

清史名臣傳 卷十九
攻破其城大典自焚死餘黨悉平是年擢都察院左副都御史六年授正紅旗漢軍副都統三遇

恩詔晉世職至三等十月以疾辭任十八年六月卒

賜祭葬如例子延祚襲爵康熙八年延祚卒子雲龍襲十四年

聖祖仁皇帝命貝勒洞鄂征陝西叛鎮王輔臣雲龍隨征將至平涼賊衆逆拒雲龍率本

旗兵衝其陣大敗之二十年隨貝子彰泰征逆賊吳世璠敗賊將線緘于盤江西坡追至砂子哨及腊茄坡屢搦賊纛遂進征雲南距城四十里立營擊敗賊將吳國柄等偽國公馬寶偽將軍巴養元逃至烏木山盤踞林谷設鹿角把險以守雲龍隨都統希福提督桑額往勦擒斬甚衆二十五年敘功晉爵二等男四十八年十一月卒子璘改襲一等輕車都尉

吉勒塔布列傳

吉勒塔布滿洲正紅旗人姓李佳氏都統齊善第三子也初任侍衛兼前鋒叅領

聖祖仁皇帝康熙十一年擢正紅旗蒙古副都統十三年逆藩耿精忠叛奉

命同副都統拉哈駐守江寧尋

命率師赴援浙江聽將軍拉哈達調遣及大將軍康親王傑書統兵駐金華吉勒塔布隨寧海將軍貝子傅喇塔進師台州至嵎縣

都督曾養性偽總兵陳理等屯衆於黃瑞山將犯天台以斷我糧道吉勒塔布遂乘夜馳進分兩翼衝擊又遣兵循山麓疾上以鳥鎗旁擊之賊大潰斬偽副將陳鵬偽叅將徐可先周標等進克仙居縣十四年曾養性與叛鎮祖宏勳犯台州依山結寨吉勒塔布同副都統沃申赴仙居襲賊後疾馳至半山嶺偽都督劉邦仁擁衆萬餘拒戰我兵嚴隊以進賊堅持弗退吉勒塔布率步兵奮擊賊大敗

海峽自傳卷一
三
斬僞副將王仲祿參將趙明燿賊四千餘進
師梁蓬隘口賊衆掘壕塹以守我兵突進攻
之奪其隘馳追道遇賊伏盡殲之直趨黃岩
副都統穆赫林復自前路夾攻會養性乘夜
突圍遁温州大軍遂定黃岩吉勒塔布率兵
敗賊於上塘嶺進攻温州賊踞險死守我軍
攻之弗下十五年三月會養性糾合平陽瑞
安賊衆并福建來援之賊四萬餘水陸來犯
吉勒塔布分路逆擊賊以藥箭火炮焚我漢

軍營又蟻聚山嶺奪我紅衣砲吉勒塔布勦
處州諸賊以入閩六月過三角嶺循江岸進
兵會養性等聯百餘艘於江屯賊衆於得勝
山下之古溪據險以扼我師吉勒塔布同總
兵陳世凱分兩路斫賊營援之又以砲擊賊
艘沉江中賊潰走道乃通進師溫溪渡口僞
都督馬成龍等率賊衆拒戰復督兵奮擊斬
千餘級降賊將馬國維鄭雄等遂會康親王
軍於衢州八月同都統賚塔等勦僞都督馬

九王攻賊大溪灘營偽總兵林福拒戰吉勒
塔布擊敗之踰三壕進焚木城擒偽總兵副
將等十二克江山縣馬九玉敗遁旋自江山
進兵峽口擊敗偽兵部閔可孝等降偽副將
牟年義遂過仙霞嶺整師將攻閩偽副將王
明庫等降聞馬九玉已遁浦城又率兵馳追
殲賊甚衆抵浦城擊賊大敗奪門入遂復其
城九月同前鋒統領希福等攻建陽縣賊墮
水死者無算奪橋克城追賊至建寧府賊走

延平十月隨康親王招撫延平進抵福州耿
精忠降賊党悉解散十六年六月擊海賊鄭
錦於同安縣敗賊党朱寅於三保谿降偽副
將黃那漢十八年鄭錦偽總統劉國軒等由
峪州太平寨來犯將斷江東橋以却長泰吉
勒塔布擊賊於下坑歐溪頭追至郭坑三戰
皆捷斬首二千餘級是年調滿洲正紅旗副
都統十九年二月隨都統資塔征海澄率陸
路師先衆進勦屢敗賊衆遂抵海澄偽總兵

滿洲野史卷之十九
三
蘓堪等降八月
詔撤福建兵以吉勒塔布同副都統沃申駐
守漳州二十一年隨拉哈達率師旋京二十
二年授護軍統領尋擢正紅旗蒙古都統二
十七年授兵部尚書列議政大臣時喀爾喀
爲噶爾丹侵擾以賊逼呼倫貝爾汎界來告
上命吉勒塔布同都統巴海等征兵科爾沁
防禦噶爾丹尋復
遣廷蘓尼特度水草佳處爲喀爾喀遊牧地

二十九年四月同尚書阿喇尼往歸化城北
及圖拉等處安設臺站復與阿喇尼領兵會
喀爾喀諸扎薩克兵由洮瀕河進勦六月偵
知噶爾丹劫掠烏珠穆沁至烏勒輝河遂分
兵二隊乘夜逃戰因喀爾喀兵違令亂陣不
勝而退部議吉勒塔布輕進失利應革職得
旨降四級調用革議政留任佐領七月率兵
駐呼魯固爾河

命與內大臣阿密達會兵偕至克勒俟裕親

王福全至分軍三隊進勦吉勒塔布領首隊
大敗噶爾丹於烏蘭布通三十年三月
詔移喀爾喀土謝圖汗車臣汗歸附人衆於
近邊先
遣吉勒塔布同尙書馬濟班第等調至上都
河額爾屯河地候
上駕親臨撫綏七月
上慮巴圖爾額爾克濟農侵掠喀爾喀
諭返鄂爾多斯烏喇特喀爾喀兵各於其地

備錄

遣吉勒塔布統率之偵探聲息便宜行事復
授正紅旗滿洲副都統三十一年巴圖爾額
爾克濟農降罷兵歸三十五年擢正紅旗滿
洲都統明年正月卒
賜葬如例

滿洲名臣傳卷十九終

天保七年

滿洲名臣傳卷十九終

五



海防名目傳
卷十九

五

